

Pwopozisyon
Amanman
Konstitisyonèl pou
Eleksyon Jeneral
(5 novanm 2024) la



Tab dèmatyè

Nim. 1 Amannman Konstitisyonèl.....	4
Tit bilten vòt.....	4
Eleksyon Manm Konsèy Eskolè Distrik sou Baz Pati	
Politik	4
Rezime bilten vòt	4
Tèks	4
Nim. 2 Amannman Konstitisyonèl.....	6
Tit bilten vòt.....	6
Dwa pou fè Lapèch ak Lachas.—	6
Rezime bilten vòt	6
Tèks	6
Nim. 3 Amannman Konstitisyonèl.....	7
Tit bilten vòt.....	7
Adilt ka Fè Itilizasyon Pèsonèl Mariwana.—	7
Rezime bilten vòt	7
Deklarasyon Enpak Finansye ak Bidjè Eta a.....	7
Tèks	8
Nim. 4 Amannman Konstitisyonèl.....	13
Tit bilten vòt.....	13
Amannman pou Limite Entèferans Gouvènman nan	
Kesyon Avòtman.—	13
Rezime bilten vòt	13
Deklarasyon Enpak Finansye ak Bidjè Eta a.....	13
Tèks	14
Nim. 5 Amannman Konstitisyonèl.....	15
Tit bilten vòt.....	15
Ajisteman Anyèl sou Valè Sèten Egzanpsyon Pwopriyete	
Rezidansyèl.—.....	15
Rezime bilten vòt	15
Tèks	15
Nim. 6 Amannman Konstitisyonèl.....	19
Tit bilten vòt.....	19

Mo ki soulinye yo se mo ke yo ajoute, mo ki ~~gen-trè~~ yo se mo ke yo siprime.

Abolisyon Egzijans Finansman Piblik pou Kanpay.—	19
Rezime bilten vòt	19
Tèks	19

Nim. 1 Amannman Konstitisyonèl

ATIK IX, SEKSYON 4 ak ATIK XII

Tit bilten vòt

Eleksyon Manm Konsèy Eskolè Distrik sou Baz Pati Politik

Rezime bilten vòt

Pwopoze amannman nan Konstitiyon Eta a pou egzije manm konsèy eskolè yon distrik pou yo eli nan yon eleksyon sou baz pati politik olye de yon eleksyon non-patizan epi pou presize ke amannman an aplike sèlman pou eleksyon ki fèt nan eleksyon jeneral mwa novanm 2026 la oswa apre. Sepandan, eleksyon primè patizan ka fèt anvan eleksyon jeneral 2026 la nan objektif pou nonmen kandida pati politik yo pou pozisyon sa a pou plase non yo nan bilten vòt eleksyon jeneral 2026 la.

Tèks

ATIK IX EDIKASYON

SEKSYON 4. Distrik eskolè yo; konsèy eskolè yo.—

(a) Chak konte dwe fòme yon distrik eskolè; depi, de oswa plis konte vwazen, selon vòt elektè yo nan chak konte dapre lwa, yo ka konbine nan yon distrik eskolè. Nan chak distrik, dwe genyen yon konsèy eskolè ki gen senk manm oswa plis ki chwazi pa vòt elektè yo nan yon eleksyon patizan ~~non-patizan~~ pou manda echelone ki apwopriye pou kat ane, jan lalwa prevwa.

(b) Konsèy eskolè a dwe opere, kontwole ak sipèvize tout lekòl piblik gratis nan distrik eskolè a epi detèmine to taks distrik eskolè a nan limit ki preskri la a. De oswa plis distrik eskolè ka opere ak finanse pwogram edikasyon konjwen.

ATIK XII DETAY

Eleksyon patizan pou manm konsèy eskolè distrik.— Seksyon ak amannman sa a nan Seksyon 4 Atik IX ki egzije manm yon konsèy eskolè distrik pou yo eli nan yon eleksyon patizan olye de yon eleksyon ki non-patizan ap antre an vigè lè elektè yo bay apwobasyon yo, eksepte manm konsèy distrik eskolè yo pa ka eli

Mo ki soulinye yo se mo ke yo ajoute, mo ki gen-trè-yo se mo ke yo siprime.

sou yon baz patizan jiskaske eleksyon jeneral la fèt an novanm 2026. Sepandan, eleksyon primè patizan ka fèt anvan eleksyon jeneral ki pou fèt 3 novanm 2026 la, nan objektif nominasyon kandida pati politik yo nan fonksyon sa a pou plasman sou bilten vòt eleksyon jeneral 2026 la.

Nim. 2 Amannman Konstitisyonèl

ATIK I, SEKSYON 28

Tit bilten vòt

Dwa pou fè Lapèch ak Lachas.—

Rezime bilten vòt

Pwopoze yon amannman nan Konstitisyon Eta a pou prezève lapèch ak lachas pou tout tan, menm atravè itilizasyon metòd tradisyonèl tou, kòm yon dwa piblik ak mwayen prefere pou jere e kontwole pwason ak lavi bèt sovaj yon fason ki responsab. Li presize ke amannman an pa limite otorite ki akòde a Komisyon Konsèvasyon Pwason ak Lavi Bèt Sovaj dapre Seksyon 9 Atik IV Konstitisyon Eta a.

Tèks

ATIK I

DEKLARASYON DWA

SEKSYON 28. Lapèch, lachas, ak priz pwason ak fòn.—
Lapèch, lachas, ak priz pwason ak fòn, sa gen ladan itilizasyon metòd tradisyonèl, yo va konsève pou tout tan kòm yon dwa piblik ak mwayen prefere pou jere ak kontwole pwason ak fòn yon fason ki responsab. Seksyon sa a pa limite otorite yo akòde pou Komisyon Konsèvasyon Pwason ak Fòn anba Seksyon 9 Atik IV.

Nim. 3 Amannman Konstitisyonèl ATIK X, SEKSYON 29

Tit bilten vòt

Adilt ka Fè Itilizasyon Pèsonèl Mariwana.—

Rezime bilten vòt

Pèmèt adilt 21 ane oswa plis posede, achte oswa itilize divès pwodui mariwana ak akseswa mariwana pou konsomasyon pèsonèl non-medikal pa mwayen finen, absòbsyon oswa otreman; pèmèt Sant Tretman avèk Mariwana Medikal, ak lòt antite ki lisansye nan nivo Eta a, pwokire, kiltive, trete, fabrike, vann ak distribye pwodui ak akseswa sa yo. Aplike nan Iwa Florid; pa chanje, oswa iminize vyolasyon Iwa federal. Etabli limit poseson pou itilizasyon pèsonèl. Pèmèt kreyasyon Iwa ki konsistan. Defini tè. Prewa dat antre an vigè.

Deklarasyon Enpak Finansye ak Bidjè Eta a

Enpak finansye amannman an soti prensipalman nan pèsèpsyon taks sou lavant yo espere rantre. Si lavant mariwana non-medikal legal jodiya, li ka sijè a taks sou lavant e li ka rete konsa si votè yo apwouve amannman sa a. Daprè eksperyans lòt Eta, lavant an detay mariwana non-medikal yo prewva a ka jenere omwen \$195.6 milyon pa ane nan revni taks sou lavant nan nivo Eta a ak gouvènman lokal, yon fwa mache lavant an detay la ap fonksyone konplètman, menmsi lè pou sa reyalize a pa klè. Daprè lalwa aktyèl, kad lejislatif ki egziste kounyeya pou mariwana medikal la aboli sis mwa apre dat antre an vigè amannman sa a ki afekte fason amannman sa a va antre an aplikasyon. Yon nouvo estrikti regilatwa pou itilizasyon medikal ak itilizasyon non-medikal mariwana va nesesè. Nou pa kapab konnen konsepsyon li konplètman jiskask lejislati a aji; sepandan, frè reglemantè yo petèt va balanse depans reglemantè yo. Nou pa kapab predi lòt depans ak ekonomi potansyèl. **YO ESTIME PWOPZISYON AMANNMAN KONSTITISYONÈL SA A VA GEN YON ENPAK POZITIF NÈT SOU BIDJÈ ETA A. ENPAK SA A KA KOZE KREYASYON REVNI ADISYONÈL OSWA YON OGMANTASYON NAN SÈVIS GOUVÈNMAN AN.**

Tèks

ATIK X DIVÈS

SEKSYON 29. Pwodiksyon, posesyon ak itilizasyon mariwana medikal.—

(a) POLITIK PIBLIK.

(1) Itilizasyon medikal mariwana pa yon pasyan kalifye oswa yon swayan an konfòmite ak seksyon sa a pa sijè a responsabilite kriminel oswa sivil oswa sanksyon dapre lwa Florid.

(2) Yon doktè pa dwe sijè a responsabilite kriminel oswa sivil oswa sanksyon dapre lwa Florid sèlman paske li bay yon sètifikasyon doktè avèk swen rezonab a yon moun ki dyagnostike avèk yon pwoblèm medikal afeblisan an konfòmite ak seksyon sa a.

(3) Aksyon ak konduit yon Sant Tretman Mariwana Medikal ki anrejistre nan Depatman an, oswa ajan oswa anplwaye li, e an konfòmite avèk seksyon sa a ak regleman Depatman an, pa p sijè a responsabilite kriminel oswa sivil oswa sanksyon dapre lwa Florid.

(4) Itilizasyon pèsonèl ki pa medikal pwodui mariwana ak akseswa mariwana pa yon adilt, jan sa defini pi ba a, an konfòmite ak seksyon sa a pa sijè a okenn responsabilite kriminel oswa sivil oswa sanksyon dapre Lwa Florid.

(5) Sant Tretman Mariwana Medikal, ak lòt antite ki gen lisans jan sa prevwa pi ba a, yo gen dwa fè akizisyon, kiltive, trete, fabrike, vann, epi distribye pwodui mariwana ak akseswa mariwana pou adilt pou itilizasyon pèsonèl nan Dat Efektif ke yo bay anba a. Yon Sant tretman mariwana medikal, oswa lòt antite ki gen lisans Eta, ki gen ladan ajan li ak anplwaye li, aji an akò avèk seksyon sa a jan li gen rapò ak fè akizisyon, kiltive, trete, fabrike, vann, ak distribye pwodui mariwana ak akseswa mariwana pou adilt pou itilizasyon pèsonèl pa p sijè a responsabilite kriminel oswa sivil oswa sanksyon dapre lwa Florid.

(b) DEFINISYON. Pou seksyon sa a, mo sa yo ak tèms sa yo va gen siyifikasyon annapre yo:

(1) “Pwoblèm Medikal Defisyan” vle di kansè, epilepsi, glokòm, eta pozitif pou viris iminodefisyan imen (VIH), sendwòm iminodefisyan moun pran (SIDA), twoub estrès pòs-twomatik (PTSD), esklewoz lateral amyotwofik (ALS), maladi Crohn, maladi

Parkinson, esklewoz miltip, oswa lòt pwoblèm medikal afeblisan menm jan an oswa klas oswa ki konparab ak sa yo ki enimerè, e yon doktè kwè ke itilizasyon medikal mariwana ta gen anpil chans kotwole risk potansyèl sante pou yon pasyan.

(2) “Depatman” vle di Depatman Sante oswa ajans siksesè li.

(3) “Kat idantifikasyon” vle di yon dokiman Depatman an bay ki idantifye yon pasyan kalifye oswa yon swayan.

(4) “Mariwana” gen siyifikasyon yo bay Cannabis nan Seksyon 893.02(3), Lwa Florid (2014), epi, anplis de sa, “Cannabis Low-THC” jan sa defini nan Seksyon 381.986(1)(b), Lwa Florid (2014), yo dwe enkli tou nan siyifikasyon tèm lan “mariwana.”

(5) “Sant Tretman Medikal Mariwana” (MMTC) vle di yon antite ki achte, kiltive, posede, trete (sa gen ladan devlopman pwodui ki gen rapò tankou manje, tenti, ayewosòl, luil oswa krèm), transfere, transpòte, vann, distribye, egzanspyon, oswa administre mariwana, pwodui ki gen mariwana, founiti ki gen rapò ak sa, oswa materyèl edikatif bay pasyan kalifye oswa swayan yo epi Depatman an anrejistre li.

(6) “Itilizasyon medikal” vle di akizisyon, posesyon, itilizasyon, livrezon, transfè, oswa administrasyon yon kantite mariwana ki pa an konfli avèk règ Depatman an, oswa founiti ki gen rapò ak sa pa yon pasyan kalifye oswa yon swayan pou itilize pa pasyan swayan kalifye pou tretman yon pwoblèm medikal afeblisan.

(7) “Swayan” vle di yon moun ki gen omwen venteyen (21) ane ki dakò pou ede yon pasyan kalifye pou sèvi ak mariwana medikal epi kalifye pou resevwa yon kat idantifikasyon pou swayan Depatman an bay. Depatman an ka limite kantite pasyan kalifye yon swayan ka genyen alafwa ak kantite moun k ap bay swen yon pasyan kalifye ka genyen alafwa. Li entèdi pou swayan konsome mariwana pasyan kalifye a resevwa pou itilizasyon medikal.

(8) “Doktè” vle di yon moun ki gen lisans pou pratike lamedsin an Florid.

(9) “Sètifikasyon Doktè” vle di yon dokiman ekri ki siyen pa yon doktè, ki deklare ke apati opinyon pwofesyonèl doktè a, pasyan an soufri ak pwoblèm medikal afeblisan, ke itilizasyon medikal mariwana ta gen anpil chans kontwole risk sante potansyèl pou pasyan an, ak pou konbyen tan doktè a rekòmande itilizasyon medikal mariwana pou pasyan an. Yon doktè ka bay yon sètifikasyon doktè sèlman apre doktè a fin fè yon egzamen fizik ak yon evalyasyon konplè medikal istorik pasyan an. Pou yo ka

bay yon minè yon sètifika doktè, yon paran oswa gadyen legal minè a dwe bay konsantman alekri.

(10) “Pasyan kalifye” vle di yon moun ki te dyagnostike gen yon pwoblèm medikal afeblisan, ki gen yon sètifikasyon doktè ak yon kat idantifikasyon pasyan kalifye. Si Depatman an pa kòmanse bay kat idantifikasyon nan lespas nèf (9) mwa apre dat seksyon sa a antre an vigè, alò, yon sètifikasyon doktè valid va sèvi kòm yon kat idantifikasyon pasyan pou pèmèt yon moun vin yon “pasyan kalifye” jiskaske Depatman kòmanse bay kat idantifikasyon.

(11) “Akseswa mariwana” vle di nenpòt ekipman, pwodui, oswa nenpòt kalite materyèl ke yo itilize pou respire, enjere, aplike lokalman, oswa entwodui pwodui mariwana nan kò moun lòt fason pou itilizasyon pèsònèl.

(12) “Pwodui mariwana” vle di mariwana oswa machandiz ki genyen mariwana.

(13) “Itilizasyon pèsònèl” vle di posesyon, acha, oswa itilizasyon pwodui mariwana oswa akseswa mariwana pa yon adilt ki gen laj 21 ane oswa plis pou konsomasyon pèsònèl ki pa medikal nan finen, enjere oswa otreman. Yon adilt pa bezwen yon pasyan kalifye pou li achte pwodui mariwana oswa akseswa mariwana pou itilizasyon pèsònèl nan yon Sant Tretman Mariwana Medikal. Yon posesyon endividyèl mariwana pou itilizasyon pèsònèl pa dwe depase 3.0 ons mariwana eksepte ke pa plis pase senk gram mariwana kapab sou fòm konsantre.

(c) LIMITASYON.

(1) Pa gen anyen nan seksyon sa a ki pèmèt yon vyolasyon kèlkeswa lwa sof pou konduit an konfòmite avèk dispozisyon ki nan seksyon sa a.

(2) Pa gen anyen nan seksyon sa a ki va afekte oswa anile lwa ki gen rapò avèk itilizasyon, posesyon, pwodiksyon, oswa vant mariwana non-medikal.

(2) Pa gen anyen nan amannman sa a ki entèdi Lejislati a adopte lwa ki konsistan avèk amannman sa a.

(3) Pa gen anyen nan seksyon sa a ki otorize itilizasyon mariwana medikal pa nenpòt moun ki pa yon pasyan kalifye.

(4) Pa gen anyen nan seksyon sa a ki va pèmèt operasyon kèlkeswa veyikil, avyon, tren oswa bato pandan yon moun anba enfliyans mariwana.

(5) Pa gen anyen nan seksyon sa a ki chanje lwa federal oswa ki egzije vyolasyon lwa federal oswa ki pretann bay iminite anba lwa federal.

(6) Pa gen anyen nan seksyon sa a ki va egzije akomodman pou kèlkeswa itilizasyon inilateral mariwana medikal nan nenpòt enstitisyon koreksyonèl oswa sant detansyon oswa lokal edikasyon oswa travay, oswa fimen mariwana medikal nan nenpòt lokal piblik.

(7) Pa gen anyen nan seksyon sa a ki va mande okenn founisè asirans sante oswa okenn ajans oswa otorite gouvènman an ranbouse moun pou depans ki gen rapò ak itilizasyon medikal mariwana.

(8) Pa gen anyen nan seksyon sa a ki va afekte oswa anile lwa ki gen rapò ak neglijans oswa fot pwofesyonèl yon pasyan kalifye, swayan, doktè, MMTC, oswa ajan oswa anplwaye li.

(d) DEVWA DEPATMAN AN. Depatman an dwe bay regleman rezonab ki nesese pou aplikasyon ak ranfòsman seksyon sa a. Objektif regleman yo se pou asire disponiblite ak itilizasyon san danje mariwana medikal pa pasyan kalifye yo. Se devwa Depatman an pou li pibliye regleman yo alè.

(1) Regleman aplikasyon. Pou bay Depatman an ase tan apre yo fin pase seksyon sa a, regleman sa yo dwe pibliye pa pi ta pase sis (6) mwa apre dat seksyon sa a antre an vigè:

a. Pwosedri pou emisyon ak renouvèlman anyèl kat idantifikasyon pasyan kalifye pou moun ki gen sètifikasyon doktè ak estanda pou renouvèlman kat idantifikasyon sa yo. Anvan yo bay yon kat idantifikasyon pou yon minè, Depatman an dwe resevwa konsantman ekri nan men paran oswa gadyen legal minè a, anplis sètifikasyon doktè a.

b. Pwosedri ki etabli kalifikasyon ak estanda pou swayan, tankou fè verifikasyon antesedan pèsonèl ki apwopriye ak pwosedri pou emisyon ak renouvèlman anyèl kat idantifikasyon swayan.

c. Pwosedri pou anrejistreman MMTC tankou pwosedri pou emisyon, renouvèlman, sispansyon ak anilasyon enskripsyon an, ak estanda pou asire bonjan sekirite, mentnans dosye, tès, etiktaj, enspeksyon, ak sekirite.

d. Yon regleman ki defini kantite mariwana ki ta ka rezonabman sipoze yon rezèv adekwa pou itilizasyon medikal pasyan kalifye, baze sou meyè prèv ki disponib. Sipozisyon sou

kantite sa a ka simonte avèk prèy ki montre itilizasyon medikal apwopriye yon pasyan kalifye.

(2) Kat idantifikasyon ak anrejistreman. Depatman an ap kòmanse emèt kat idantifikasyon pasyan kalifye ak swayan, epi li ap enskri MMTC yo pa pi ta pase nèt (9) mwa apre dat seksyon sa a antre an vigè.

(3) Si Depatman an pa bay regleman oswa si Depatman an pa kòmanse emèt kat idantifikasyon ak anrejistre MMTC yo nan limit tan ki fikse nan seksyon sa a, nenpòt sitwayen Florid ap gen dwa chèche sekou jidisyè pou konfòme li avèk responsabilite konstitisyonèl Depatman an.

(4) Depatman an dwe pwoteje konfidansyalite tout pasyan kalifye. Tout dosye ki genyen idantite pasyan kalifye dwe rete konfidansyèl epi yo pa dwe sibi divilgasyon piblik sof pou rezon medikal oswa pou fè respektè lalwa.

(e) LEJISLASYON. Pa gen anyen nan seksyon sa a ki ap limite lejislati a pou li adopte lwa ki konsistan avèk seksyon sa a. Lejislati a ka bay lisans antite ki pa Sant Tretman Mariwana Medikal pou fè akizisyon, kiltive, posede, trete, transfere, transpòte, vann, ak distribye pwodui mariwana ak akseswa mariwana pou itilizasyon pèsonèl adilt.

(f) PWOVIZYON LEGAL. Dispozisyon ki nan seksyon sa a separab, e si nenpòt kloz, fraz, paragraf oswa seksyon mezi sa a, oswa yon aplikasyon, yon tribinal ki gen jiridiksyon konpetan jije li pa valid, gen lòt dispozisyon ki va kontinye an vigè osi pafètman ke posib.

(g) DAT MIZ ANVIGÈ. Amannman sa a ap antre anvigè sis (6) mwa apre apwobasyon votè yo.

Nim. 4 Amannman Konstitisyonèl ATIK 1, NOUVO SEKSYON

Tit bilten vòt

Amannman pou Limite Entèferans Gouvènman nan Kesyon Avòtman.—

Rezime bilten vòt

Okenn lwa pa dwe entèdi, penalize, retade, oswa limite avòtman anvan vyabilite oswa lè sa nesesè pou pwoteje sante pasyan an, dapre jan founisè swen sante pasyan an detèmine sa.

Amannman sa a pa chanje otorite konstitisyonèl Lejislati a pou li egzije notifikasyon a yon paran oswa gadyen anvan yon minè fè yon avòtman.

Deklarasyon Enpak Finansye ak Bidjè Eta a

Pwopozisyon amannman an ta lakoz byen plis avòtman ak mwens nesans chak ane nan Florid. Ogmantasyon avòtman ta ka menm pi gran si amannman an anile lwa ki egzije konsantman paran anvan moun ki minè yo fè avòtman e lwa ki garanti ke se sèlman doktè ki gen lisans ki fè avòtman. Genyen ensètitud tou sou si amannman an va egzije pou Eta a sibvansyone avòtman avèk fon piblik. Litij pou rezoud ensètitud sa yo ak lòt ankò va lakoz depans adisyonèl pou gouvènman Eta a ak tribinal Eta yo, sa va gen enpak negatif sou bidjè Eta a. Yon ogmantasyon avòtman ka gen yon efè negatif sou kwasans revni Eta a ak revni lokal yo amezi gen tan ki ap pase. Akoz enpak fiskal ogmantasyon avòtman an sou revni e depans Eta ak sou revni e depans lokal yo pa kapab estime avèk presizyon, enpak total pwopozisyon amannman an endetèmine.

ENPAK FINANSYE AMANNMAN SA A PA KA DETÈMINE AKÒZ ANBIGUITE AK ENSÈTITID KI ANTOURE ENPAK AMANNMAN AN.

Tèks

ATIK 1 DEKLARASYON DWA

Amanman pou Limite Entèferans Gouvènman nan Kesyon
Avòtman

SEKSYON . Limite entèferans gouvènman an nan kesyon avòtman.— Eksepte jan sa endike nan Atik X, Seksyon 22, okenn lwa dwe pa p entèdi, penalize, retade, oswa mete restriksyon sou avòtman anvan vyabilite oswa lè sa nesèsè pou pwoteje sante pasyan an, jan swayan pasyan an detèmine.

Nim. 5 Amannman Konstitisyonèl

ATIK VII, SEKSYON 6 AK ATIK XII

Tit bilten vòt

Ajisteman Anyèl sou Valè Sèten Egzanpsyon Pwopriyete Rezidansyèl.—

Rezime bilten vòt

Pwopoze yon amannman nan Konstitisyon Eta a pou egzije yon ajisteman anyèl pou enfstasyon sou valè egzanpsyon aktyèl oswa alavni sou pwopriyete rezidansyèl ki aplike sèlman sou prelevman yo ki pa konsène prelevman distri eskolè, epi si tout moun ki genyen yon tit legal oswa ekitab sou yon byen imobilye e ki mentni rezidans pèmanan pwopriyete a nan pwopriyete a, oswa rezidans yon lòt moun ki depann legalman oswa natirèlman de pwopriyete a, elijib pou egzanpsyon sa yo. Amannman sa a va antre an vigè 1ye janvye 2025.

Tèks

ATIK VII

FINANS AK TAKSASYON

SEKSYON 6. Egzanpsyon Homestead.—

(a)(1) Tout moun ki gen tit legal oswa ekitab byen imobilye epi ki kenbe rezidans pèmanan nan pwopriyete a, oswa yon lòt depandan legal oswa natirèl pwopriyete a, va gen egzanpsyon taks sou li, eksepte evalyasyon pou avantaj espesyal, jan sa ekri annapre a:

a. Jiska valyasyon ki evalye a vennsenk mil dola; epi,

b. Pou tout prelevman ki pa prelevman distrik eskolè yo, sou evalyasyon ki evalye plis pase senkant mil dola ak jiska swasanndisenk mil dola, sou etablisman dwa nan fason ki preskri pa lalwa. Byen imobilye a ka gen tit legal oswa ekitab, antyèman, konjwen, an komen, kòm yon kondominyòm, oswa endirèkteman pa pwopriyete aksyon oswa manm ki reprezante pwopriyete a oubyen enterè pwopriyete anan yon kòporasyon ki posede yon frè oswa yon lokasyon okòmansman nan ki depase

Mo ki soulinye yo se mo ke yo ajoute, mo ki ~~gen-trè-ye~~ se mo ke yo siprime.

katrevendizwit ane. Egzanpsyon an pa p aplike pou okenn evalyasyon jiskaske yon ajans leta deziyen pa lwa jeneral detèmine wòl sa a an konfòmite ak dispozisyon seksyon 4 la. Egzanpsyon sa a anile nan dat miz an vigè nanpòt amannman nan Atik sa a ki prevwa pou evalyasyon pwopriyete homestead a mwens pase valè jis li.

(2) Montan vennsenk mil an dola nan evaliasyon pwopriete ki egzante de taks ki nan paragaf (a)(1)b. a va ajiste chak ane nan 1ye janvyè pou enfstasyon lè nou sèvi avèk chanjman pousantaj nan endis pri a la konsomasyon yo pou tout moun Konsomatè lben, Mwayèn Vil Etazini, tout atik 1967=100, lò rapò pou ane anvan an kòm Depatman Travay Etazini, Biwo nan Estatistik Travay rapòte okòmansman, si chanjman pousantaj sa yo pozitif.

(3) Montan evalyasyon ki egzante de taksasyon an pou ki chak moun ki gen tit legal oswa ekitab byen imobilye e moun ki kenbe rezidans pèmanan pwopriyete a, oswa yon lòt moun ki legalman oswa natirèlman depandan de pwopriyete a, elijib, epi li aplikab sèlman a prelevman ki pa prelevman distrik eskolè, ki ajoute sou konstitisyon sa a apre 1ye janvyè 2025, yo va ajiste chak ane nan 1ye janvyè pou enfstasyon lè yo sèvi avèk chanjman pousantaj nan Endis Pri a la Konsomasyon pou Tout Konsomatè lben, Mwayèn Vil Etazini, tout atik 1967=100, lò rapò pou ane anvan an kòm Depatman Travay Etazini, Biwo nan Estatistik Travay rapòte okòmansman, si chanjman pousantaj sa yo pozitif, apati ane ki vin apre miz an vigè dat egzanpsyon sa a.

(b) Yo pa p otorize plis pase yon sèl egzanpsyon yon moun oswa fanmi oswa sa ki gen rapò ak yon inite rezidansyèl. Pa gen okenn egzanpsyon ki va depase valè byen imobilye ki evalyab a pwopriyete a oswa, nan ka tit pwopriyete pa aksyon oswa an kalite manm nan yon kòporasyon, valè pwopòsyon enterè nan kòporasyon an pote sou valè evalyasyon pwopriyete a.

(c) Dapre lwa jeneral e sijè a kondisyon ki espesifye ladan, Lejislati a ka bay lokatè yo, ki se rezidan pèmanan, soulajman taks ad valorem sou tout prelevman taks ad valorem. Soulajman taks ad valorem sa yo dwe nan fòm ak kantite lajan lwa jeneral etabli.

(d) Lejislati a kapab, dapre lwa jeneral, pèmèt konte oswa minisipalite yo, nan objektif taks respektif yo epi sijè a dispozisyon lwa jeneral yo, bay youn oswa toulede egzanpsyon siplemantè taks homestead annapre yo:

(1) Yon egzanspyon ki pa depase senkant mil dola pou yon moun ki gen tit legal oswa ekitab nan byen imobilye epi ki kenbe rezidans pèmanan sou pwopriyetè a, ki rive nan laj swasant-senk, epi ki gen revni fwaye li pa depase ven mil dola, jan lwa jeneral defini; oswa

(2) Yon egzanspyon ki egal a valè evalyasyon pwopriyete a pou yon moun ki gen tit legal oswa ekitab nan byen imobilye ki gen yon valè jis ki mwens pase desansenkant mil dola, jan yo detèmine nan premye ane fiskal pwopriyetè a aplike epi li elijib pou egzanspyon an, e li kenbe rezidans pèmanan sou pwopriyetè a pou pa mwens pase vennsenk ane, li te rive nan laj swasant-senk ane, epi li gen revni fwaye ki pa depase limit revni preskri nan paragaf (1).

Lwa jeneral la dwe pèmèt konte ak minisipalite yo bay egzanspyon adisyonèl sa yo, nan limit ki preskri nan sou-seksyon sa a, pa òdonans ki te adopte nan fason lwa jeneral preskri, epi yo dwe prevwa ajisteman peryodik nan limit revni ki preskri nan sou-seksyon sa a pou chanjman nan pri lavi a.

(e)(1) Chak veteran ki gen laj 65 ane oswa plis ki andikape pèmanan an pati oswa totalman ap resevwa yon rabè sou montan taks ad valorem ki dwe otremman sou pwopriyete veteran an posede ak abite ladan si andikap la te gen rapò ak konba. epi si veteran an te kite sèvis onorableman lè li te separe de sèvis militè a. Rabè a dwe nan yon pousantaj ki egal ak pousantaj andikap pèmanan veteran an, ki gen rapò ak sèvis jan Depatman Afè Veteran Etazini detèmine. Pou yon aplikan kalifye pou rabè a akòde nan paragaf sa a, li dwe soumèt bay evalyatè pwopriyete konte a, anvan 1ye mas, yon lèt ofisyèl ki soti nan Depatman Afè Veteran Etazini ki endike pousantaj andikap veteran an ki gen rapò ak sèvis la ak prèv ki rezonableman idantifye andikap ki gen rapò ak konba, yon kopi fen sèvis onorab veteran an. Si evalyatè pwopriyete a refize demann pou yon rabè, evalyatè a dwe notifiye aplikan an alekri sou rezon ki motive refi a, epi veteran an ka reaplike. Lejislati a ka, dapre lwa jeneral, anile egzijans aplikasyon anyèl la nan ane ki vin apre yo.

(2) Si yon veteran ki resevwa rabè ki dekri nan paragaf (1) mouri anvan konjwen li, epi si, lè veteran an mouri, mari oswa madanm sivivan an gen tit legal oswa benefisyè nan pwopriyete homestead la epi li abite definitivman sou li, rabè a ap pote nan benefis mari oswa madanm sivivan an jiskaske li remarye oswa

vann oswa li debarase l de homestead pwopriyete a. Si mari oswa madanm sivivan an vann oswa debarase l de homestead pwopriyete a, yo ka transfere yon rabè ki pa depase montan an dola yo akòde nan dènye dosye taks ad valorem la sou nouvo pwopriyete mari oswa madanm sivivan an, si li itilize li kòm rezidans pèmanan li oswa si li poko remarye.

(3) Sou-seksyon sa a egzekite oto,atikmam epi li pa egzije aplikasyon lejislasyon.

(f) Dapre lwa jeneral ak sijè a kondisyon ak limit ki espesifye ladan, Lejislati a ka bay soulajman taks ad valorem ki egal a montan total oswa yon pati nan taks ad valorem yo dwe sou pwopriyete homestead la:

(1) Konjwen sivivan yon veteran ki te mouri an sèvis pandan li te nan sèvis aktif kòm manm Fòs Lane Etazini.

(2) Konjwen sivivan yon premye sekouris ki te mouri an sèvis.

(3) Yon premye sekouris ki andikape pèmanan e totalman akòz yon blesi oswa plizyè blesi sibi an sèvis. Koneksyon koz ant yon andikap ak sèvis pa dwe sipoze men yo dwe detèmine jan lwa jeneral prevwa. Pou rezon ki nan paragaf sa a, tèm “enfimite” pa gen ladan yon pwoblèm kwonik oswa yon maladi kwonik, sof si li sibi aksidan an an sèvis la se sèl kòz pwoblèm kwonik la oswa maladi kwonik la.

Jan yo itilize tèm “premye sekouris”nan sou-seksyon sa a epi jan lwa jeneral defini li plis, li vle di yon ofisye fòsdelòd, yon ofisye koreksyonèl, yon ofisye ponpye, yon teknisyen medikal dijans, oswa yon paramedik, ak tèm “an sèvis” vle di emèje nan pèfòmans aktyèl la nan sèvis li kòm premye sekouris.

ATIK XII DETAY

Ajisteman anyèl nan valè egzanpsyon homestead.—Seksyon sa a ak amannman nan Seksyon 6 Atik VII ki egzije yon ajisteman anyèl pou enflasyon nan egzanpsyon homestead espesifye ap antre an vigè 1ye janvye 2025.

Nim. 6 Amannman Konstitisyonèl

ATIK VI, SEKSYON 7

Tit bilten vòt

Abolisyon Egzijans Finansman Piblik pou Kanpay.—

Rezime bilten vòt

Pwopoze abolisyon pwovizyon nan Konstitisyon Eta a ki egzije finansman piblik pou kanpay kandida pou pòs elektif nan tout Eta a ki dakò avèk limit depans kanpay.

Tèks ki dwe anile

ATIK VI VÒT AK ELEKSYON

~~SEKSYON 7. Limit depans kanpay ak finansman kanpay pou pòs elektif nan tout Eta a.— Se politik Eta sa a pou ofri eleksyon nan tout eta a kote tout kandida ki kalifye kapab fè konpetisyon kòrèkteman. Lalwa dwe etabli yon metòd finansman piblik pou kanpay pou pòs elektif nan tout eta a. Yo dwe etabli limit depans pou kanpay sa yo pou kandida ki itilize fon piblik nan kanpay yo. Lejislati a dwe mete finansman disponib pou dispozisyon sa a. Lwa jeneral ki ap aplike paragraf sa a dwe omwen ofri menm pwoteksyon a yon kandida ki itilize fon piblik pou yon konpetisyon kòrèk tankou lwa jeneral 1ye janvye 1998 ki ap anvigè a.~~

(fen an)

**Depatman Deta Florid
Divizyon Eleksyon
The R.A. Gray Building, Room 316
500 South Bronough Street
Tallahassee, Florida 32399-0250
Telefòn: 850.245.6200
Sit entènèt: www.dos.fl.gov/elections**